

豫章

焚書

第二冊

魏

章

集

書

卷之四

春雨軒集卷一

鄱陽五家士

鄱陽劉炳著

史簡編

五言古風

擬古

今人多結勢古人多結心
結勢可趨利結心能斷金
金堅義亦固利厚害彌深
往者不咎昔來者當鑒今
得漢爨簡周伯宣索香灰

古爨多款識蟠螭漢篆存
黃金銷土色翠羽蝕雷文
綺席流寒月銀屏度綵雲
蘭灰能裏寄長吟晝夜分
春夕直左掖懷周侍郎

晚雨池上晴透迤淡將夕金莖華月生綺樹流雲濕
窗虛漏聲永幔捲爐烟襲憶我同袍人何由共瑤席
簡孔博士

宿雨曉還歇開窗銷鬱沉烟光藹芳樹池上鳴幽禽
逶迤瞻郡齋窈窕期盍簪孤懷屢百積羣疑思一箴
何時聯夜榻春漏委波聲

左掖門朝退呈吳待制諸公

謬忝金閨籍聯班趨晚朝逶迤西門上窈窕長安橋
殘雪帶遠樹夕陽在山腰不有同袍者疇能慰寂寥

張禮部卧疾

殘雪晚還霽窗虛斜日迴故人久卧疾空燭生綠苔
兒童詣藥裏吏櫃委塵埃浮榮每爲幻長嘯望眉臺
別京邑之東阿

前年別鄉閭今年出京邑悠悠去江漢杳杳事行役
所懼心志違況此風波急烏啼楓樹烟雁下蘆洲夕
回首望長安蒼茫寸心失

憶園廬

種園在東皋草荒瓜蔓長日落秋樹涼褰衣獨還往
時逢野老憇自足田園賞沿溪暝忘歸古寺烟鐘響
示宜學積學甲戌三月題

阿爺五十四憐汝纔始生恩育夙夜謹眉目秋水清
行如生鹿跳語若流鶯鳴常時恣嬌頑計日期長成
爾祖豪傑姿聲聞州郡欽一顧等成敗片言能重輕
田園巨阡陌兵火成榛荆千頃遺寸波百田纔一塍
官租因訟致薄業監躬畊不辭生理苦所懼徭役并
嗟予早失怙慈親訓遺經遭時風塵黑扶日雲霄青
簪筆侍禁闥通籍居承明衰年遂冉冉薄宦徒營營
辭官歸故園葺屋依先塋看花眼如霧種竹髮已星
貧無金在囊家有書滿簾念汝未強壯立身恐伶仃
痛逼骨肉懷感滋肝膽驚男兒在忠孝業學崇勛名

題詩冀汝識慰我桑榆情

賦清華堂詩

皇威戒安逸翰苑游神機天球列東序玉藻羅北扉
蜿蜒紫氣潤璀璨虹光輝奎彩動黃閣文光照彤墀
鼓枻洙泗源遵舟伊洛湄梁追昭明轍漢軼東平輓
瀛洲浮暖吹銀潢演春漪芝蟠五色葉桃發萬年枝
墨沼鶯羣浴書林燕子飛花陰移鶴仗竹色來鳳儀
共沐恩波潤咸蒙聖澤滋河清仰文化同軌固磐基
、聽雨堂爲安成周氏賦

中年迫宦遊邈若胡與越悠悠烟樹遙杳杳關河絕

況茲風雨夕坐想鴻雁隔簷垣寧共理孤燈耿還滅
懷寶重經濟括囊貴明哲何時對床眠慰此腸內熱
敬軒詩爲王達善賦

深巷何窈窕端居掩柴荆素心每無欲純樸輕浮榮
慮靜默自守神清淡忘形危坐白日晚疎林微雨情
開窗幽鳥啼滿階芳草青焚香奏絲桐愛此銷塵纓
孤雲野鶴唳絕壑流泉鳴高懷曠而婉雅音誰復聽
古人良已久寸心千古情

郡齋讌集詩呈徐用中廣文諸先生

郡齋文墨暇履端集朋曹春意藹萱草鴈痕封柳條

隱暄書壺散簾深爐麝飄嘉園剪新韭芳壺湛清醪
青甘浮橄欖紫馥吹葡萄舒此羈旅況豈夸樽俎豪
禮簡貴情厚心親自神交所念萍水逢回首江漢遙
何殊瀛洲步未讓淮南招俯仰慍夙慕綢繆幸今朝
題詩謝永好蕪詞慚草茅

聞魯志敏訃音

故國猶傳箭中原未解戎遙聞故人死雙淚落秋風
五言近體

題呂花園草堂朱雀橋

何處銷殘暑城南茅屋幽晚烟將野色春樹帶江流

愛竹從兒種，觥杯與婦謀。生涯成老圃，不是故時侯。
郊居雜興東陳遂良

桃李漫成蹊，茅堂習隱栖。泉聲溪碓急，山色野牆低。
相領原非燕，圍腰底用犀。不嫌生理拙，抱甕灌吾畦。
風雨行人少，柴門午尚扃。土花沿砌碧，山果墜枝青。
病眼耽書癖，衰顏托酒星。經邦方上武，寂寞抱遺經。
題朱澗槃卷

遙峯連碧磻，茅屋俯青林。徑晚花粘履，松寒雨潤琴。
酒甘和菊釀，詩苦帶茶吟。却憶文園老，歸來雪滿簪。
寄子昇必昭昆季

烏石山頭路秋風已送涼野橋苔浸碧雲碓稻春黃
扇影搖衣桁書聲出草堂惠連無俗事垂釣濯滄浪
夜直呈翰林諸友

中使傳金鑰嚴兵戒紫扉月高旂影直風急漏聲微
鵲倦驚龍燭螢閒綴鳳幃不眠瞻北斗拜舞敢遲違
六言詩

歸舟懷善鄩廣海未回

梅子黃垂雨霽榴花紅簇風輕天際歸舟何處日暮
柴門自扃歌憶杯痕蛩綠鬢憐鏡影鸞青心折少年
塵夢絳囊夜照流螢

秋夜對月寄汪宗彖

宮樹涼生絳闕玉堦影轉銀河曾侍梨園供奉夢魂
猶記笙歌

抗節誓平吐魯請纓願繫樓蘭塵澁腰間白羽猶思
射虎南山

辨舌曾歸白璧酬恩盡散黃金范叔綈袍誰念悲歌
自爨瑤琴

薄技寧爲雞口雄心每倚魚腸敝矣布袍雙袖御爐
猶帶天香

拜墓發京東張子明表弟

蓼莪之詩可讀風木之感無邊天涯不堪爲客墓傍
猶未有田

思親不堪泣涕匡時未有勛名斷機之訓猶在牽裾
之恨幾成

七言古風

經撫河遇雪舟中睡午方起

沙溪風寒飛雪狂風大不敢開篷窗蒙頭裹被睡過
午枕底浪急聲春撞岸上楓林茅屋小新年家家無
米糶土灶作炊烟滿船灰壓濕薪蚯蚓叫山僮不諳
途旅艱靴綻衣薄雙眉攢艱難末路乃如此富貴有

夢真邯鄲却憶瓊林侍宮膳雪花不入黃金殿酒上
朱顏萬國春花簪烏帽千官宴錦牋彩筆賜題詩仙
仗頻移出苑遲衣惹御香羅袖窄馬蹄歸踏杏花泥

弔晉安將軍歌

荔枝城頭花簇簇王孫不歸春水綠黃金臺前烟草
荒傷心獨倚青雲哭洒淚鑿江江倒流楚魂暮咽楓
林秋蕉黃醕綠湘竹語峴山石斷行人愁信陵門下
簪纓會珠履筵前幾人在軍中擊鼓夜不眠珠翠成
行鳴劍佩王孫王孫真貴人落筆龍蛇驚鬼神千金
散土馬蹄盡鉄甲晝卧雙麒麟桑柘陰陰連大路野

市書聲晚當戶部曲淒涼白髮稀甘棠猶指將軍樹
玉鳬金雁漆燈殘化鶴千金何日還有酒誰澆趙州
土碧血化雨苔斑斑王孫王孫不可招仰天擊碎青
桐瑤寸心何處寫哀素江上年年生暮潮

承承堂爲洪善初題

天狗蝕月歲靖康血戰于野龍玄黃神鰲夜泣九淵
靜翠華日薄寒無光主憂臣辱誓萬死直以隻手支
扶桑燕山六月雪花大節旄零落肌膚傷關河蕭條
月色苦秋風揚沙吹雁行子卿歸來典屬國茂陵樹
老愁雲荒至今勲業昭簡冊大書特書遺典章承承

堂前春晝永牙笏金魚堆滿床芝蘭玉樹競娟秀陶
令松菊凝秋芳盈缸釀酒介眉壽槐陰覆階萱草長
忠宣盛澤實其美宜爾子孫宜爾昌

題磨崖碑後

錦囊粉黛銷塵土香冷春迷山下虎梨園弟子散如
烟六么誰按霓裳譜梧桐蕭蕭秋雨愁君王歸來多
白頭官牆瓦落芙蓉苑輦路塵蒙華萼樓牝雞司晨
古之訓九齡先識非阿侯漁陽鞞鼓蔽黃埃臨洮戰
血生青燐二十四郡何無人但恨不識顏杲卿國忠
旣誅林甫死勤王義旆趨咸京唐室安危誠再造汾

陽令公國元老萬邦歸正泰階平九廟無虞陵寢掃
大書特書昭日星龍蛇剝落莓苔青嗚呼涪水瀉遺
恨父老至今雙泪零

題方壺畫爲斯貞侄賦

巨然畫與書法同縱筆所至生秋風墨飛元氣瀉流
瀦青摩斗角連崆峒遠岫平林斷還續苔根斜送山
泉緣釣倚丹楓野老磯門垂碧柳幽人屋壺公騎鯨
白雲鄉壟樹綠泣烟草黃風流文采今寂寞對畫泪
痕沾我裳

大梁行